



**FAKULTET
POLITIČKIH
NAUKA**

A Skenderija 72, 71000 Sarajevo, BiH

M dekanat@fpn.unsa.ba
W www.fpn.unsa.ba

T +387 33 203 562
F +387 33 666 884

INFORMACIJA

**O OSTVARENIM PRIHODIMA I PRIMICIMA,
RASHODIMA I IZDACIMA
ZA PERIOD 01. 01. do 31. 12. 2023. godine**

Sarajevo, februar 2024. godine

INFORMACIJA
O OSTVARENIM PRIHODIMA I PRIMICIMA, RASHODIMA I IZDACIMA
ZA PERIOD 01. 01. do 31. 12. 2023. GODINE

1. UVODNI DIO

Fakultet političkih nauka Univerziteta u Sarajevu osnovan je 1961. godine na osnovu Uredbe Vlade NR BiH, sa sjedištem u Sarajevu u ulici Skenderija 70 u prostorijama Visoke političke škole. U svom periodu postojanja i rada doživio je više statusnih promjena, a jedna od promjena izvršena je 5.5.2003. godine. Dana 5.5.2003. godine Kantonalni sud u Sarajevu donio je rješenje broj:UF/I-741/03 o promjeni osnivača Fakulteta, dopuni i usklađivanju djelatnosti sa OSKD. Sa danom 01.07.2021. dolazi da statusne promjene integracije fakulteta sa Univerzitetom u Sarajevu na osnovu rješenja o pripajanju 065-0-Reg-19-0002234 i rješenja o osnivanju 065-0-Reg-19-002287, upisanih u sudski registar.

DJELATNOST FAKULTETA JE:

- visoko obrazovanje, (I, II i III ciklus studija)
- istraživački poslovi,
- izdavanje i štampanje knjiga i časopisa,

Osnivač i vlasnik Fakulteta političkih nauka je Kanton Sarajevo.

Institucionalno upravljanje na Fakultetu

DEKANAT:

- Dekan Fakulteta: Prof. dr. Sead Turčalo
- Prodekan za nastavu: Prof. dr. Elvis Fejzić
- Prodekan za nauku: Prof. dr. Valida Repovac Nikšić
- Prodekan za međunarodnu saradnju: Prof.dr. Sanela Šadić
- Sekretar: Umihana Mahmić, MA pravnih nauka

Formirano Vijeće Fakulteta koje čine svi nastavnici, predstavnici saradnika i studenata.

Na osnovu člana 104. Statuta Univerziteta Sarajevo odluke vezane za finansijsko poslovanje Fakulteta se razmatraju i usvajaju na sjednicama vijeća Fakulteta i dostavljaju na Univerzitet.

PROCJENJIVANJE BILANSNIH POZICIJA

Prema Zakonu o računovodstvu i reviziji u Federaciji BiH, Budžetski korisnici nastavljaju da vode svoje računovodstvo i sačinjavaju i podnose svoje finansijske izvještaje u skladu sa dosadašnjim propisima iz ove oblasti a sve do izmjene tih propisa, odnosno objavljivanja i početka primjene posebnih Međunarodnih računovodstvenih standarda za javni sektor.

Računovodstveni iskazi sačinjeni su na osnovu općih načela procjenjivanja bilansnih pozicija utvrđenih u Zakonu o proračunima-budžetima u Federaciji Bosne i Hercegovine, Uredbe o računovodstvu i Pravilnika o knjigovodstvu proračuna-budžeta u Federaciji Bosne i Hercegovine, Zakona o računovodstvu, te Međunarodnih standarda finansijskih izvještavanja (uključujući međunarodne računovodstvene standarde), Računovodstvenih politika Kantona Sarajevo.

Procjena pozicija pasive vršena je na osnovu fer vrijednosti obaveza (MRS 39), dakle uzete su u obzir sve one neizmirene obaveze i u onoj vrijednosti za koje postoji bilo kakva vjerovatnoća da ih se treba izmiriti.

Pri procjenjivanju pozicija aktive u obzir su uzeta samo ona nenaplaćena potraživanja i u onoj visini za koja postoji vjerovatnost da će biti naplaćena odnosno njihova *fer* vrijednost (MRS 39). Sva sumnjiva i sporna potraživanja su isknjižena u vanbilansnu evidenciju, saglasno Uputstvu Federalnog ministra finansija o izvršavanju budžeta sa JRT ("Sl. novine Federacije BiH", br. 43/02).

Stalna i privremena materijalna sredstva

Stalna i privremena materijalna sredstva iskazani su u bilansu po trošku nabavke. Nabavnu vrijednost imovine saglasno odredbi Člana 65. stav 2. Pravilnika o knjigovodstvu budžeta-proračuna u FBiH te odredbi člana 17. Uredbe o računovodstvu proračuna-budžeta, čini kupovna cijena (fakturna cijena) uvećana za carine, porez na promet, izdatke za prijevoz i sve druge izdatke koji se tiču konkretne nabavke.

Trošak nabavke uključuje sve direktne troškove u vezi dovođenja sredstva u radno stanje za namjeravanu upotrebu. Nabavka imovine kapitalizira se ako je procijenjeni vijek korištenja veći od jedne godine i trošak individualnog dobra veći od 1.000,00 KM. Imovina čija je pojedinačna vrijednost u trenutku nabavke niža od 1.000,00 KM svrstava se u sitan inventar i otpisuje jednokratno, neovisno od vijeka trajanja.

Knjiženje ispravke vrijednosti stalne imovine u obliku stvari i prava vršeno je indirektnom metodom na teret izvora sredstava.

Amortizacija stalnih sredstava obračunava se od početka njihovog korištenja, linearnom metodom otpisa primjenom godišnjih stopa utvrđenih u Nomenklaturi stalnih sredstava. Nomenklature sredstava za amortizaciju, objavljena u "Službenim novinama Federacije BiH", broj 2/95., a preuzeta je Odlukom Upravnog odbora Zavoda za računovodstvo i reviziju Federacije BiH ("Službene novine FBiH", broj 45/99). Prema Pravilniku o knjigovodstvu budžeta, stope amortizacije (ispravke vrijednosti) stalnih sredstava predviđene ovom Nomenklaturom su i dalje obavezne za budžetske korisnike. Vrijednost sredstava prema MRS 16. se preispituje periodično u smislu korekcije i određivanja fer vrijednosti sredstva. Osnovica za otpis imovine u obliku stvari jeste nabavna, odnosno historijska fer vrijednost dugotrajne imovine. Amortizacija se obračunava za svu imovinu sve dok ista nije potpuno amortizovana. Troškovi investicionog i tekućeg održavanja terete prihode razdoblja u kojem su nastali. Rekonstrukcije i adaptacije kojima se mijenja kapacitet ili namjena materijalne imovine iskazuju se kao povećanje vrijednosti materijalne imovine.

Zalihe materijala inventara i robe

Zalihe materijala su iskazane po cijeni troška nabavke. Materijal i sitan inventar saglasno odredbi člana 23. Pravilnika o knjigovodstvu budžeta-proračuna stavlja se neposredno na rashode prilikom njihove nabavke.

Rezerviranje

Rezerviranja se priznaju ako postoji sadašnja pravna ili izvedena obaveza kao posljedica događaja iz prošlog razdoblja i ako je vjerovatno da će biti potreban odliv sredstava, te ako se može pouzdano procjeniti iznos obaveze.

Priznavanje prihoda

Prema računovodstvenom načelu modificiranog nastanka događaja prihodi se priznaju u računovodstvenom razdoblju u kojem su mjerljivi i raspoloživi. Navedeni način priznavanja prihoda proizilazi iz odredbi Zakona o proračunima-budžetima i Pravilnika o knjigovodstvu budžeta-proračuna u FBiH.

Saglasno navedenim odredbama priznaju se prihodi:

1. Prihodi iz budžeta u periodu u kome su naplaćeni odnosno u periodu doznake iz budžeta.
2. Vlastiti prihodi u periodu u kome su ostvareni ali i naplaćeni,
3. Unaprijed naplaćeni prihodi priznaju se u periodu na koji se odnose, tj. u periodu u kom će biti ostvareni i učinci po osnovu unaprijed naplaćenih prihoda. To znači da se unaprijed naplaćeni prihodi početno evidentiraju kao razgraničeni naplaćeni prihodi budućeg perioda, a prijenos (preknjiženje) istih na konto prihoda vrši se:
 - na osnovu ispostavljene fakture o izvršenom poslu za prihode naplaćene po osnovu pružanja usluga,

Priznavanje rashoda vrši se u skladu sa računovodstvenim načelom modificiranog nastanka događaja. Prema ovom načelu svi rashodi se priznaju, knjiže i iskazuju u finansijskim izvještajima u onom obračunskom periodu u kom su i nastali, odnosno u periodu u kojem je nastala obaveza plaćanja.

2. 8. Prema odredbi člana 2.stav 1. pod j) Zakona o trezoru modificirano načelo obračunavanja neplaćenih obaveza podrazumjeva metode obračunavanja obaveza koji priznaju transakcije i aktivnosti u momentu stvaranja, transformacije, razmjene prijenosa ili nastanka ekonomske vrijednosti i kada se evidentiraju svi ekonomski troškovi (ne samo gotovinske transakcije). Po određenim metodama obračunavanja neplaćenih obaveza, fizička imovina treba biti rasknjižena u momentu nabavke.

PREGLED RASHODA I IZDATAKA ZA 2023. GODU

Opis	Ekon. kod	Budžet/finansijski plan - izmjene i dopune	Ostvareni kumulativni iznos ukupnih rashoda i izdataka 2023	Ostvareni kumulativni iznos istog perioda prethodne godine 2022	Procenat 2/1 x 100	Procenat 2/3 x 100
		1	2	3	4	5
Ukupni rashodi i izdaci		6.558.770	6.262.788	5.787.236	95,5%	108,2%
Ukupni tekući rashodi	610000	6.468.770	6.163.392	5.656.931	95,3%	109,0%
Plaće i naknade troškova zaposlenih (5+6)	611000	5.007.591	4.972.893	4.368.276	99,3%	113,8%
Bruto plaće i naknade plaća	611100	4.681.832	4.629.804	4.062.682	98,9%	114,0%
Naknade troškova zaposlenih	611200	325.759	343.089	305.594	105,3%	112,3%
Doprinosi poslodavca i ostali doprinosi (8+9)	612000	492.642	486.402	427.970	98,7%	113,7%
Doprinosi poslodavca	612100	492.642	486.402	427.970	98,7%	113,7%
Izdaci za materijal, sitan inventar i usluge (11+.....+19)	613000	950.337	693.005	856.277	72,9%	80,9%
Putni troškovi	613100	30.000	14.215	30.361	47,4%	46,8%
Izdaci za energiju	613200	205.785	199.389	201.709	96,9%	98,8%
Izdaci za komunikaciju i komunalne usluge	613300	35.000	25.283	22.986	72,2%	110,0%
Nabavka materijala i sitnog inventara	613400	25.000	24.553	9.521	98,2%	257,9%
Izdaci za usluge prevoza i goriva	613500	5.000	4.302	400	86,0%	1075,5%
Unajmljivanje imovine, opreme i nematerijalne imovine	613600	13.000	13.163	4.388	101,3%	300,0%
Izdaci za tekuće održavanje	613700	32.500	6.778	16.707	20,9%	40,6%
Izdaci osiguranja, bankarskih usluga i usluga platnog prometa	613800	11.500	7.617	2.238	66,2%	340,3%
Ugovorene i druge posebne usluge	613900	592.552	397.705	567.967	67,1%	70,0%
Tekući transferi i drugi tekući rashodi (21+.....+28)	614000	18.200	11.092	4.408	60,9%	251,6%
Tekući transferi pojedincima	614200	10.100	1.408		13,9%	
Tekući transferi neprofitnim organizacijama	614300	8.000	5.904	1.000	73,8%	590,4%
Drugi tekući rashodi	614800	100	3.780	3.408	3780,0%	110,9%
Ukupni kapitalni izdaci (35+42)		90.000	99.396	130.305	110,4%	76,3%
Izdaci za nabavku stalnih sredstava	821000	90.000	99.396	130.305	110,4%	76,3%

(36+....+41)						
Nabavka opreme	821300	50.000	77.636	105.371	155,3%	73,7%
Nabavka stalnih sredstava u obliku prava	821500	15.000	21.760	12.529	145,1%	173,7%

U naprijed navedenoj tabeli prikazani su rashodi i izdaci za period 01.01.2023-31.12.2023. te komparacija sa posljednjim izmjenama i dopunama budžeta Kantona Sarajevo kao i ostvarenim rashodima i izdacima za prethodnu godinu u istom periodu.

Ukupni rashodi i kapitalni izdaci u 2023 godini su ostvareni u iznosu od 6.262.788 KM i veći su za 8,2 %, u odnosu na 2022. godinu, a ostvareni su u iznosu od 95,5 % u odnosu na ukupan budžet za 2023. godinu.

Sa 01.07.2021. dolazi do statusne promjene integracije fakulteta sa Univerzitetom u Sarajevu od kada posluje kao organizaciona jedinica. U izvještajnom periodu od 01.01.2023-31.12.2023. ukupni rashodi su ostvareni u iznosu od 6.163.392 KM i kapitalni izdaci su u iznosu od 99.396 KM.

Kapitalni izdaci u periodu 01.01.2023.-31.12.2023.godine su bili u iznosima:

- Nabavka opreme 77.636,00
- Nabavka stalnih sredstava u obliku prava 21.760,00

Najveći trošak predstavljaju bruto plaće i naknade zaposlenih koje su ostvarene veće u procentu od 9 % u odnosu na 2022. godinu kao rezultat primjene Kolektivnog ugovora za visoko obrazovanje i mjesečnog dodaka na platu u iznosu od 100,00 KM.

Materijalni troškovi su smanjeni i ostvareni u iznosu 693.005,00 KM što je 80,9 % u odnosu na 2022. godinu. Materijalni troškovi su finansirani iz budžeta, vlastitih sredstava i različitih međunarodnih i domaćih projekata.

Za period 01.01.-31.12.2023 ostvareni su prihodi i primici:

- Ostale budžetske naknade (prihodi po različitim osnovama koji idu u budžet Kantona) u iznosu od **854.713,80 KM**
- Prihodi od sopstvenih djelatnosti (vlastiti prihodi) u iznosu od **412.000,12 KM**
- Primljeni tekući transferi od međunarodnih organizacija i ostalih nivoa vlasti u iznosu od **250.413,81 KM**
- Kapitalni primici ostvareni su u iznosu od **30.898,48 KM**

Na razgraničene prihode u 2024. godinu iz prihoda 2023 i 2022 godine prenosi se:

- Vlastiti prihodi u iznosu od **106.223,00 KM**
- Transferi od međunarodnih organizacija i domaći transferi u iznosu **78.261,00 KM**
- Prilivi od pozajmica pojedincima u ukupnom iznosu od **1.370,00 KM** (primici iz tekućeg perioda i neutrošeni primici iz prethodne godine) po odobrenju Kantona Sarajevo.

Prenosi se ukupno 185.854 KM razgraničenih prihoda u 2023 godinu.

ZAPOSLENI I PLATE

Analiza troškova zaposlenih

Broj zaposlenih na Fakultetu političkih nauka na dan 31.12.2023. godine se smanjio za 2 radnika u odnosu na stanje na dan 31.12.2022.

U 2023. godini penzionisane su 2 osoba.

Isplaćene plate i naknade zaposlenih u 2023. i 2022. godini date su u narednoj tabeli:

R. br.	Opis	U obračunskom periodu tekuće godine	U istom obračunskom periodu prethodne godine
	1	3	4
1.	UKUPNO (2 + 9 + 14)	5.116.206	4.490.653
2.	Bruto plaće i naknade plaća (3+4+5)	4.629.804	4.062.682
3.	Neto plaće i naknade plaća (bez poreza na dohodak)	2.909.649	2.560.444
4.	Akontacija poreza na dohodak	284.124	238.706
5.	Doprinosi na teret zaposlenih (6+7+8)	1.436.031	1.263.532
6.	Za penzijsko i invalidsko osiguranje	787.502	692.905
7.	Za zdravstveno osiguranje	579.045	509.489
8.	Za zapošljavanje	69.485	61.138
9.	Doprinosi poslodavca (10+11+12+13)	486.402	427.971
10.	Za penzijsko i invalidsko osiguranje	277.993	244.555
11.	Za zdravstveno osiguranje	185.277	163.036
12.	Za zapošljavanje	23.132	20.380
13.	Za beneficirani radni staž		
14.	Ostali doprinosi (na teret penzija i ostali doprinosi)		
15.	Prosječan broj zaposlenih na osnovu radnih sati (cijeli broj)	88	90

Plaće se isplaćuju preko Trezora u skladu sa Kolektivnim ugovorom za djelatnost visokog obrazovanja i u skladu sa važećim pravilnicima i propisima.

Iz naprijed navedenih podataka se vidi da su bruto plaće i naknade troškova zaposlenih ostvarene u 2023. godini u odnosu na isti period 2022. godine veće za 567.122 KM.

Stope poreza i doprinosa na plaće i iz plaća u 2023. godini nisu se mijenjale u odnosu na 2022. godinu.

Na dan 31.12.2023. Fakultet je imao 88 uposlenih u radnom odnosu.

INFORMACIJA O PROVEDENOM POPISU

Na Fakultetu je izvršen popis imovine i obaveza sa stanjem na dan 31.12.2023. Popis je završen u zadanom roku, a centralna popisna komisija je dostavila Izvještaj o popisu Univerzitetu u Sarajevu. Komisija za popis stalnih sredstava je izvršila naturalni popis stalnih sredstava, a komisija za popis potraživanja, obaveza i novčanih sredstava je izvršila popis istih na dan 31.12.2023. Pored navedenog izvršen je i popis biblioteke.

ZAKLJUČAK

Iz podataka koji su iskazani u finansijskim izvještajima te na osnovu izvršene analize rezultata poslovanja Fakulteta političkih nauka u Sarajevu za period od 01.01. do 31.12.2023. godine može se zaključiti sljedeće:

Ministarstvo finansija Kantona Sarajevo je dana 04.02.2019. godine donijelo „Instrukciju o načinu uplate prihoda koje ostvaruju organizacione jedinice Univerziteta u Sarajevu na depozitni račun Kantona Sarajevo“ broj: 08-03-14-2598/19, kojom su ugašeni svi transakcijski računi Fakulteta dana 14.02.2019. godine. Novčana sredstva Fakulteta su prebačena na Depozitni račun Kantona Sarajevo. Od toga dana finansijski promet se vrši preko Depozitnog računa Kantona Sarajevo.

Za period 01.01.-31.12.2023. ostvareni su ukupni rashodi i kapitalni izdaci u iznosu od 6.262.788 KM i ukupni prihodi u iznosu od 1.517.128 KM.

Ostvareni su kapitalni primici u iznosu od 30.898,00 KM i kapitalni izdaci 99.396,00 KM, nabavka opreme (stalnih sredstava) u vrijednosti od 99.396,00 KM.

Najveći trošak predstavljaju bruto plaće i naknade zaposlenih koje su ostvarene u procentu od 9 % veće u odnosu na 2022. godinu kao rezultat primjene Kolektivnog ugovora za visoko obrazovanje i dodatka uz isplatu plate u iznosu od 100 KM.

U toku 2023. godine realizovan je veći broj različitih naučnih projekata i konferencija (domaćih i inostranih)

Izvršen je popis sredstava i izvora sredstava i izvršeno usaglašavanje sa knjigovodstvenim stanjima.


Broj zaposlenih na dan 31.12.2023. godine je 88 zaposlenika i umanjen je za 2 zaposlenika u odnosu na stanje 31.12.2022. godine.

U odnosu na 2022. godinu ukupni troškovi i kapitalni izdaci u 2023. su povećani za 8,2 %, a ostvareni su u iznosu od 95,5 % u odnosu na ukupan budžet za 2023. godinu.


Na razgraničene prihode u 2024. godinu prenose se vlastiti prihodi u iznosu od 106.223,00 KM, transfera od međunarodnih organizacija i domaćih transferi u iznosu od 78.261,00 KM, te priliva od pozajmica u iznosu od 1.370,00 KM po odobrenju KS.

Možemo zaključiti da je Fakultet političkih nauka, u periodu na koji se odnosi ovaj Izvještaj, likvidan, da može izmiriti obaveze prema povjericima.

Služba računovodstva



DEKAN


Prof. dr. Sead Turčalo